

ՀԱՇՎԵՏՎՈՒԹՅՈՒՆ

2019թ. հունիսի 27-ից 28-ն Ավստրիայի Հանրապետություն (Վիեննա, Հայնբուրգ)
շրջակա միջավայրի նախարար Էրիկ Գրիգորյանի գործուղման վերաբերյալ

1. **ԳՈՐԾՈՒՂՎԱԾ ԱՆՁ**

Էրիկ Գրիգորյան

2. **ՋԲԱՂԵՑՐԱԾ ՊԱՇՏՈՆԸ**

Շրջակա միջավայրի նախարար

3. **ԳՈՐԾՈՒՂՄԱՆ ՎԱՅՐԸ և ԺԱՄԿԵՏԸ**

Ավստրիայի Հանրապետություն (Վիեննա, Հայնբուրգ)

2019թ. հունիսի 27-ից 28-ը

4. **ՀՐԱՎԻՐՈՂ ԿՈՂՄԸ**

Էներգետիկ համայնքի քարտուղարություն:

5. **ԳՈՐԾՈՒՂՄԱՆ ՆՊԱՏԱԿԸ**

Մասնակցություն՝ «Էներգետիկ համայնքի կայուն էներգիայի 3-րդ ֆորումին»,
ինչպես նաև էներգետիկայի ու շրջակա միջավայրի նախարարանների հանդիպմանը:

6. **ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ
ԿԱՄ ՔՆՆԱՐԿՎԱԾ ՀԱՐՑԵՐԸ**

«Էներգետիկ համայնքի կայուն էներգիայի 3-րդ ֆորումին» ներկա էին էներգետիկայի,
շրջակա միջավայրի և կլիմայի փոփոխության համար պատասխանատու նախարարներ,
փոխնախարարներ, Եվրոպական Հանձնաժողովի, ԵՄ անդամ պետությունների
բարձրաստիճան պաշտոնյաններ, ինչպես նաև գիտական, քաղաքացիական
հասարակության և ոչ կառավարական կազմակերպությունների ներկայացուցիչներ:

Հանդիպման շրջանակներում քննարկվեցին էներգետիկ համայնքի կողմից
դեկարբոնացված էներգիայի համընդգրկման հնարավոր ուղիները:

Քննարկեցինք նաև 2030թ. էներգետիկ համայնքի նոր օրենսդրական շրջանակի ստեղծման անհրաժեշտությունը, որն ուղղված է վերականգնվող էներգիայի աղբյուրների՝ (մասնավորապես քամու և արևի) մասնաբաժնի մեծացմանը, արդյունավետության բարձրացմանը, ջերմոցային գազերի արտանետումների նվազեցմանը՝ համաձայն Փարիզի Համաձայնագրի:

Քննարկումների ընթացքում անդրադարձ եղավ նաև հանքահումքային էներգետիկայի աստիճանական տեղակալման ուղղությամբ ռազմավարությունների մշակման անհրաժեշտությանը: Մասնակիցները կոչ արեցին ածխային էներգիայի արտադրության համար նախատեսվող սուբսիդիաների վերացմանը:

Փոքր ՀԷԿ-երի առնչությամբ արձանագրվեց, որ վերջիններիս ներդրումն էներգետիկ համայնքի էներգաարտադրության մեջ չափազանց սահմանափակ է, մինչդեռ ազդեցությունը շրջակա միջավայրի վրա՝ անհամեմատ բարձր: Հետևաբար, նոր նախագծերի մշակումը պետք է մանրակրկիտ ուսումնասիրվի, իսկ էներգետիկ համայնքի օրենսդրության շրջակա միջավայրի գնահատման և ռազմավարական էկոլոգիական գնահատման (ծրագրի, գետավազանի և տարածաշրջանային մակարդակի վրա) լիարժեք և պատշաճ իրականացումը ցանկացած նախագծի համար կարևոր նախապայման է:

Հայնբուրգում կայացած նախարարական խորհրդի ոչ պաշտոնական հանդիպմանը հիմնականում քննարկվեցին էներգետիկ համայնքի համաձայնագրի վերաբերյալ առկա փոփոխությունները: «Մաքուր էներգիայի փաթեթի» վերաբերյալ փոխանակեցինք տեսակետներ՝ ուղղված վերականգնվող էներգիայի, էներգաարդյունավետության և ջերմոցային գազերի արտանետման կրճատմանը՝ էներգետիկ համայնքի 2030 թիրախների հասցեագրման համատեքստում:

7. ԶԵՌՔԲԵՐՎԱԾ ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ, ԱՌԱՋԱՐԿՈՒԹՅՈՒՆՆԵՐԸ

Պայմանավորվածություն ձեռք բերվեց ներկայացնելու ցածր ածխածնային զարգացման նորարարական նախագծեր և բիզնես մոդելներ կլիմայի փոփոխության բացասական

հետևանքների մեղմման ուղղությամբ՝ նկատի առնելով գործնական մարտահրավերները
և դրանց հաղթահարման հնարավորությունները:

Պայմանավորվածություն եղավ նաև, որ էներգետիկ համայնքի մասնակիցները պետք է
ներդրումներ կատարեն տարածաշրջանի վերականգնվող էներգետիկայի և
էներգաարդյունավետության համար դեռևս չօգտագործված ներուժի ուղղությամբ, ինչպես
նաև համաձայնվեցին, որ առաջիկա տարիներին պետք է ավելանա բանկերի և
միջազգային կազմակերպությունների աջակցությամբ իրականացվող ցածր ածխածնային
ծրագրերի թիվը:

Պայմանավորվածություն ձեռք բերվեց շարունակական հիմունքերով ապահովել
հանրության իրազեկվածությունը վերոնշյալ հարցերի առնչությամբ:

Շրջակա միջավայրի նախարար՝

Էրիկ Գրիգորյան

X
